

REGULATIV
CAMPESTER

per

la vischnaunca

da

TRUN *1)



1991

*1) Quest regulativ vala mo per il territori dall'antieriura vischnaunca da Trun (aschuntau tenor art. 3 e 4 dil contract da fusiun).

I. Determinaziuns generalas

Art. 1

Igl uorden campester vegn – conform allas disposiziuns dalla constituziun communalala – exequis dalla suprastanza communalala, en special dil gerau d' agricultura cun agid dils cuitgs da casa.

Art. 2

Per la gudida da pastiras cun la muntanera da nuorsas, exista en vischnaunca in squadra che cumpeggia l' entira vischnaunca. La squadra affitescha dalla vischnaunca la pastira per gudida. Sin fundament dalla pussonza delegada ad ella dalla vischnaunca, elegia la squadra 1 – 2 cuitgs che pledeschan ils pasturs. Plinavon fixescha ella las obligaziuns e la pagaglia, taglia pustretsch, fixescha tenor basegns ils tiers ch' ei drova per guder effizient las pastiras.

La gudida da pastira cun tiers jasters basegna il consentiment dalla suprastanza communalala.

Mess il cass che vaccas gaudan las pastiras duront la stad, astgan las pastiras da **Pustget pign e Pustget grond** 8 dis avon cargar buca vegnir gudidadas cun nuorsas.

Art. 3

Guder pastira senza lubientscha ei sumandau.

Excepziuns sa la suprastanza communalala far cun consentiment dil cuitg. La damonda sto vegnir fatga a scret.

Concernent il pascular ils tiers manedels (cauras en special) vegn visau art. 40 dil regulativ forestal.

Art. 4

Ils arvers u taxas per guder las pastiras crodan en cassa communalala. Il cuitg ei obligaus da dar exact sclariment al gerau d' agricultura sur dils tiers che gaudan las pastiras entras surdar ina gliesta dils tiers sut pastur.

Tut la biestga sut pastur ni en in claus ei per controlla era d' annunziar al gerau d' agricultura. Tutta pasculaziun da salvanoris e gaglinam ei scumandada.

Art. 5

Tut donnegiar e strapazzar terren communal cun menadiras autos, autos da vitgira ni en autras manieras ed il **deponer material ni rumians** – ei scumandau. Surpassaments vegnan puni cun frs. 20.00 entochen frs. 1' 000.00.

Tenor occasiuns e basegns dessegna la suprastonza in eventual plaz da parcar.

Art. 6

Las pastiras dueigien schi lunsch sco pusseivel vegnir guididas da tiers manedels e da biestga gronda.

Ei quei buc il cass, dueigien ellas vegnir mantenidas entras mundar ni segar cun far lavur cumina.

La lavur cumina duei vegnir organisada dil gerau d' agricultura. Reparaturas pli grondas vid access, vias e trutgs dueigien vegnir fatgas entras la vischnaunca.

Art. 7

La pastiras san era, sch' ellas vegnan buca guididas la stad cun vaccas da casa, vegnir affitadas a purs che han interess da cultivar talas. Il recav croda en cassa communal.

Art. 8

Surpassaments da quest regulativ vegnan puni cun frs. 20.00 entochen frs. 1' 000.00, leutier vegn l' obligaziun d' indemnisar compleinamein il donn caschunau.

Art. 9

Persunas ufficialas ein obligadas d' annunziar surpassaments che vegnan enconuschents ad ellas.

II. Determinaziuns concernent il pastg cumin**Art. 10**

Il pastg cumin ei serraus entras conclus da vischnaunca dils 04.03.1977.

Art. 11

Quest regulativ ei vegnius approbaus dil cussegl da vischnaunca en sia sessiun dils 16.02.1991 e passa immediat en vigur, el remplazza il regulativ dils 30.03.1969.

Il president communal:

Walter Decurtins

Igl actuar:

Gustav Rothmund